

## **ANEXO ( EXTRACTO DA CONVOCATORIA A PUBLICAR)**

De conformidade co previsto nos artigos 17.3.b e 20.8.a) da Lei 38/2003, de 17 de novembro, Xeral de Subvencións, publícase o extracto da convocatoria específica do CONCELLO DE PONTEDEUME, como concello adherido ao programa da Deputación da Coruña denominado PEL-REACTIVA: FONDO DE FINANCIAMENTO PARA A REACTIVACIÓN ECONÓMICA E SOCIAL DA PROVINCIA DA CORUÑA.

### **Primeiro. Beneficiarios**

Estas axudas van dirixidas a persoas traballadoras autónomas con ou sen traballadores/as ao seu cargo e microempresas, calquera que sexa a súa forma xurídica, que teñan o seu domicilio fiscal no Concello de Pontedeume e que se atopen nalgún dos supostos que se indican na base 4ª da norma 18, que regula as Bases específicas reguladoras das axudas de concellos adheridos ao Fondo de Financiamento para a reactivación económica e social da provincia (BOP da Coruña nº 123 de 05/08/2020; redacción definitiva publicada no BOP da Coruña, nº 128, de 12/08/2020).

### **Segundo.- Obxecto e finalidade**

O obxecto das axudas é impulsar a actividade económica e o emprego no termo municipal de Pontedeume e contribuír a paliar na medida do posible os danos producidos nas microempresas e autónomos/a, derivados da crise sanitaria ocasionada pola pandemia da COVID-19 e a entrada en vigor do Real decreto 463/2020, do 14 de marzo, polo que se declarou o estado de alarma e as súas posteriores prórrogas.

A finalidade destas axudas, dirixidas a financiar gastos correntes, é facilitar medios ás microempresas e persoas traballadoras por conta propia ou autónomas do Concello de Pontedeume, para facer fronte ás consecuencias derivadas da crise motivada pola COVID-19, e contribuír á súa recuperación e viabilidade no novo contexto socioeconómico.

### **Terceiro. Bases reguladoras**

A presente convocatoria réxese polas Bases específicas recollidas na norma nº 18 das bases reguladoras das axudas PEL-REACTIVA: Fondo de Financiamento para a reactivación económica e social da provincia da Coruña, que foron publicadas no BOP da Coruña, nº 123 de 05/08/2020 e cuxa redacción definitiva foi publicada no BOP da Coruña, nº 128, de 12/08/2020, dispoñibles nos seguintes enlaces.

[https://bop.dacoruna.gal/bopportal/publicado/2020/08/05/2020\\_0000005419.pdf](https://bop.dacoruna.gal/bopportal/publicado/2020/08/05/2020_0000005419.pdf)

[https://bop.dacoruna.gal/bopportal/publicado/2020/08/12/2020\\_0000005589.pdf](https://bop.dacoruna.gal/bopportal/publicado/2020/08/12/2020_0000005589.pdf)

### **Cuarto. Contía e importe**

A contía total da subvención concedida pola Deputación Provincial para o Concello de Pontedeume, ascende a 110.193,37€, con cargo á aplicación orzamentaria 241.47900, proxecto de gasto 2020/3/MH/1 do presuposto municipal para 2020.

O importe das axudas será fixo, podendo ser de 1.500€; 2.000€; 2.500€ ou 3.000€, determinado segundo os criterios da Base 8ª das bases específicas recollidas na norma 18 antedita.

Estas axudas serán compatibles con calquera outra concedida por entidades públicas ou privadas, sempre que o importe total das axudas percibidas polo mesmo concepto non supere o custo total dos gastos subvencionables polas presentes axudas, e ata un máximo de 40.000 €. O importe de axuda a conceder será minorada na cantidade que exceda deste límite.

O pago da subvención será único, segundo o establecido na base 13ª das bases específicas recollidas na norma 18 antedita.

### **Quinto. Prazo de presentación de solicitudes**

O prazo de presentación de solicitudes no Concello de Pontedeume, por parte das microempresas e persoas traballadoras autónomas do termo municipal, iniciarase a partir do día seguinte ao da publicación no Boletín Oficial da Provincia da Coruña, da convocatoria específica de axudas deste concello e finalizará ás 14.00 horas do día 25 de novembro de 2020.